

中華民國五十六年五月臺一版

# 陸川縣志

全一冊

定價：新台幣二四〇元

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇五號

印刷者：**正大印製廠**

三重市長生街二號之一

版權所有

內政部登記證內版臺業字第一一四七號

中國方志叢書·第廿二號

據民國十三年刊本影印

廣西省

# 陸川縣志

(全)

成文出版社印行

sk126/05

1229  
H819  
32



\*10096561\*



docsriver 文川网  
入驻商家 古籍书城

在文川网搜索古籍书城 获取更多电子书

中華民國十二年重修

# 陸川縣志

呂春瑄署



縣賓興  
館藏板

陸川重修縣志序

有明萬曆己卯間始興彭君懋祖知縣事陸川創為縣志是為陸川有志之始見於內閣書目而傳本蓋魁其後八十餘年時為康熙初縣令新繁方君鼎績之板旋燬越六十餘年時為雍正丁未縣令大興謝君錫侯重行搜輯又三十年時為乾隆丙子縣令廣元石君崇先又續之僅傳鈔本自乾隆至今又百六十餘年矣時移事異紀載闕如即鈔本且飽魚鼠之腹矣時乎時乎其可無續乎民國七八年間余承乏斯土遡國史館返徵天下郡縣志乘以上未有以應也邑有清名進士呂大令哲臨先生余年家丈人行請其出任重修陸志乃集士大夫謀所以

陸川縣志

卷首

重修序

經營而纂組之若事甫籌辦會遷秩去未遑鉛槧嗣是諸薦紳網羅散失分門排纂既不少休以五年之力始克告成計二十四卷都三十萬言搜梓有日矣郵書畧余南甯警察廳署屬一言弁其首開之馬端臨氏有言修史之難無出於志實識則抉擇不精昧義例則部居不整尚簡徑則事不周詳尚放常則辭不典核求四者之無憾蓋要其難之今觀所纂圖以最其全表以約其要輿地建置經政物產之為考名宦賢忠孝義烈之為傳綱舉目張條理不紊得不謂之精以整乎歐史列傳創例有死事一行義兇伶官宦者六臣諸目明史列傳創例有王司流寇寇黨諸目皆隨時世為增益與前史不必盡同

今子目多至七十視乾隆志且倍之事增則文不得不增上下千數百年一展卷間瞭如燦如得不謂之周以詳乎龍門載筆時稱世本太平集覽亦注書名今引用羣籍條條分注事祇求其徵實文豈必自己出所謂無一字無來歷也得不得之典以核乎異時上之史成余知蘭臺石室之儒操簡書而著錄者其將有取於斯余既喜呂大令偕士大夫之相與有成也因綜其終始以示後之人民國十三年夏正甲子秋七月永淳古濟勳謹識於南甯警察廳署

陸川縣志

卷首

重修序

二

原序

清雍正五年五月陸川縣知縣謝錫侯撰

僕古燕之鄙人也嘗訪學秦楚間見華岱九嶷之雄閱黃河洞庭之險巍巍浩浩著乎兩間嗟彼河山其乾坤留此以志不朽與因思古人之德業文章宏勳偉烈託史以傳之亦即巍巍浩浩著乎兩間不朽之河山也甲辰春僕膺寵命領嚴詔來宰此邦戴星而出者還戴星而入非選事不敢有所要庸以抒夙昔耳未幾索所謂志從京吏攜手錄者數十頁蠹魚鼠餽其半矣陸雖小邑亦宜圖於版章垂有明三百年興朝將百載而志之一書無憑考求倘當時之未遑問焉耳奈之何哉爰詔邦之良士輯其散亡或旁求或昭著彙集其槪重以典確有關世道人心者哀爲數冊雖不敢謂全豹畢陳亦已得窺見一斑聖人曰十室之邑必有忠信又曰採風諜野不遺下里是役也關兩載許矣向非勤而羅致將此地不同朱張殫沒而僅以名存也幾希請誌之謂謗既往以伐將來吁鄙人不忍爲此態也

陸川縣志

卷首

原序

一

原序

清乾隆二十一年八月  
許道基撰

陸川之為縣山則有天馬鳳凰文龍綠袍東霞奎嶺之高且奇  
水則有烏江妙洞崑崙六冷火甲伏波之深且長土庶可耕民  
樸可教景幽氣淑可遊可歌介兩粵高鬱二郡之間左北右白  
面化枕疊地踰方百里雖未可云通都大邑若以賢齊晉吳楚  
則亦與區善國也隋始立邑旋省唐復置迨宋元明不改以至  
於皇朝總古今隸屬凡幾易交越容梧鬱陸之四封如故蓋粵  
嶺得各自古者矣縣古則事積事積則籍多籍多則年地脈  
感衰人爲得失繩貫絲聯可也觀指知歸可也願竟不盡然豈  
非積而隨佚事曷稽多而無統籍皆去乎夫朝家載籍如元和

陸川縣志

卷首

原序

郡國太平寰宇元豐九域寰宇通志諸書非不周備浩博然繪  
荒服一隅於王會之圖形不得不渺紀不得不略且其行遠而  
傳久勢不得不難今之志郡邑者所據以立幹惟行省通志而  
已揆通志之始必下郡邑履徽故職詳而上之舉要而書之方  
其上也居然有郡邑志焉合衆志爲一志範鑄精簡通志之體  
也奈何即曩時所上既經範鑄者復依約敷衍散一志爲衆志  
有是體乎是其病也由履帶之不預臨文之不暇傳舍視官  
廬視地胥鈔視志乘期會視纂輯雖歲增月新無當於紀實垂  
後矧以爲緩而置之哉我朝鼎建百年以來令陸數十輩有志  
劍逆者前惟方後惟謝儘有崖畧未見成書乙亥冬石侯近野

攝陸篆慨然以復古新化修廢舉墜爲心所行必規其要所志  
必觀其成修志特一事而尋繁領雜務信棄奇繁綱領明義例  
秉筆荷擔半載就厥緒而石侯以賢能移紫泉矣猶亟亟以開  
雕爲已任前無需後無諉何政之不成然非私厚於陸也石侯  
予年家丈人行令秦中十稔屢當大邑一以此心成政陸之志  
適有藉焉夫邑立於千年以前志創於千年以後嗚呼非偶然  
也予故略溯緣始而樂爲之序繼石侯者同里張侯可亭子弟  
右樹同年生也通洽英敏實成石侯之願者云

陸川縣志

卷首

原序



原序

清乾隆二十一年俞 成撰  
鬱林直隸州知州

陸川爲鬱屬故巖邑也其舊志殘燬已無可考今所存者惟前  
令謝君數帖而已乙亥冬西蜀石君來攝是邑石君名孝廉居  
官有聲甫下車地方諸務一切次第舉行縣志其一也夫志之  
難作也其所載者固不出乎一邑之中而其義例體裁與正史  
等石君因其舊籍詳爲考訂于以芟繁補缺不漏不支體裁雅  
而義例明固已斐然可觀矣方且勒成一書登諸梨棗深喜用  
志之精勤而赴功之迅速也於志之成樂得爲之序

陸川縣志

卷首

原序

原序

清乾隆二十一年  
署理陸川縣知縣 石崇先撰

國家定制疆域爲郡邑以至郡邑又各籍其境內山川風物  
文獻科條諸所因革使輯爲一書命之曰志所從來久矣夫郡  
邑之志卽古列國之史也體國經野觀風範俗稽故實於當年  
回醇風於邃古其關於治術亦綦重矣我國家加意右文既集  
儒臣纂修實錄以成信史復敕外省郡邑修輯志乘搜括遺賢  
蓋欲使遐陬僻壤無遠弗屆可按籍而考披圖而悉以崇車書  
一統之大觀也乙亥冬崇先攝篆陸川詢所謂縣志舊板已燬  
僅得謝重修抄本殘闕無稽爰集紳士大夫計爲重輯衆歡躍  
從事第崇先以簿書未吏愧乏三長敢以管窺之見肩筆削之  
陸川縣志 卷首

原序

任乎但既撫其疆域而不辨其廣袤治其人民而不知其風俗  
亦重負朝廷簡任之意與各憲期望之心爰借邑文學輩廣爲  
搜採疑者闕之信者傳之稟請州憲俞公總裁參酌考訂潤色  
成編以仰副聖天子考古究今纖悉無遺之盛意云爾

重修陸川縣志銜名

督診

南甯水陸縣廳廳長前陸川縣知事清拔貢生古濟勳永淳人

總纂

清道銜安徽祁門縣知縣進士呂溶堃

廣東候補縣知事清花翎同知銜樂昌進士范晉藩

分纂

清雲南試用直隸州州判副貢生劉振芸

廣東候補縣知事清花翎同知銜補用舉人呂炳綸

保准縣知事清五品銜廣東補用縣丞增貢生李興孫

陸川縣志 卷首

重修銜名

安徽候補縣知事清直隸州州判恩貢生呂炳昇

繪圖

縣中學校畢業生羅士璜

采訪

清五品頂戴附貢生劉福祜

清優增生呂祖德

清附貢生林炳煥

清附生吳立盤

清附生李超雲

廣東高要縣警長清巡警學堂畢業附生李濟榮

清

附

生羅朝幹

清

附

生呂炳昌

清

優

附

生溫燕祥

清

監

生呂沛源

鬱

林

師

範

生姚宇棟

縣

師

範

簡

生呂繼棟

廣

東

師

範

生謝慶芬

梧

州

初

級

生陳旭青

梧

州

初

級

生羅士統

鬱

林

中

學

生劉名賢

陸川縣志 卷首

重修銜名

鬱

林

中

學

生邱宗球

縣

中

學

校

生謝壽英

縣

中

學

校

生呂峻仁

縣

高

等

小

生王錫現

騰

錄

縣

中

學

校

生劉培華

縣

高

等

小

生戴家仁

庶

務

廬

揚

高

等

生呂榮光

三

英

高

等

生呂元材

陸川縣志凡例

一石志分十八綱每綱為一卷未嘗不舉綱挈目展卷瞭然  
有事過少而宜合併不相類而須易置因時勢而應增進者  
今略為變通可因之可併併之刪冗補缺為圖一類七表  
一錄二編一為卷二十有四非敢云作也但斟酌損益以求  
相適耳

一石志雖有輿圖一綱圖已散佚無存今照縣界二十堡各按  
定位計里開方繪為全圖庶幾收百里於尺幅運一縣若指  
掌又每堡增繪分圖俾桑梓地理一目了然至城池廨署學  
宮賓館為縣中建置之大者并各繪圖以備觀覽

陸川縣志 卷首

凡例

一志乘為地理專書其要首在疆域沿革我邑自隋建縣迄今  
分併增省名實同異最為紛糾疆域不明無以知轄治廣狹  
沿革不明無以知隸屬變遷即山川人物亦無一不誤今疆  
域遵石志沿革則標明朝代并博引史志及專家之書於後  
以資參考

一漢書地理志兼紀天文後之作方志者多仿之據通志陸川  
當為翼軫分野今節錄通志所引天文數說以備一格至氣  
候關乎農時職祥徵乎天象然皆隨地而異亦志地者所當  
連乘而及也茲氣候就石志略加刪潤職祥則乾隆二十一  
年以前皆仍石志後則參錄北流縣志及詢諸高年據以增

八

一鄭樵謂地理當主山川以山川千古不易也石志於山川所  
載甚簡山脈水源尤為疏略今據訪冊增補至今昔異名者  
則於下標明而以八景附其末

一陂塘水車以資灌溉水碾水碓可代人力皆為地方之水利  
其坐落何方何時何人修造今皆詳記

一畫清鄉堡則便於分治列明村莊則易於稽查要隘為守禦  
所關風俗為民情趨向均所宜知今皆編入輿地類

一城池廨署設於立縣之初其規模制度以及創修年月人名  
均闕典要石志紀載頗詳今多因之其後重修添建者為之

陸川縣志 卷首

凡例

續登

一塘汎為清綠營分防地久已廢置石志所載與檣亦可稽者  
今并存之街市為商賈所居路鋪舊主傳遞今名存實異改  
為貿易之所亦與商務有關故詳細登記

一壇廟所以事神載在祀典然有非列祀典而建廟者似屬淫  
瀆宜從刪汰惟古今地志例記伽藍古刹禪林亦每供詞人  
懷詠故石志另列寺觀一目今采訪所報凡曰廟曰庵曰寺

曰觀曰堂曰閣曰樓曰祠無非奉神之地故以壇廟括之至  
孔聖先師廟詳於學校而壇廟則仍列其名

一津渡橋梁以利行人寨堡所以禦亂坊表所以旌善局所

以辦公皆建置而有關政治者至城市舊基廢者故址墮廟遺蹟及名人塚墓亦一縣之勝蹟今皆備載

一 通志仿漢書百官公卿表例作職官表首詳官制次詳官名其法最善今以爲宗我邑自隋開唐宋元數朝官制可考官寮之名難稽通志列宋主簿一人元縣尹二人石志於明祇載知縣丞簿教官清亦祇載知縣教官其巡典武職兩朝均付缺如民國改元檔冊毀失清乾嘉以後不特教官不能備記即知縣亦多遺漏文獻無徵始從缺略亦時勢使然也

一 循吏列於史名宦載於志其義一也第史傳必原始要終著爲定論地志則政績偏端無妨節錄服官斯土功德及民與

陸川縣志

卷首

凡例

三

殉難死事者無論祀名宦祠否均將其事實敘列輯爲宦蹟錄石志名宦蹟篇已經散失今據各碑記補敘無可據者則存其名而缺其事

一 典制所頒檔冊所載有司見行事例爲一方之經政石志將賦役課儲兵政分列爲綱似泛而無統賦役田租雜稅鹽課爲國家之征收祀典俸廉廩給役食雜支爲經制之支出倉儲以備荒兵制關武備團練禦土匪郵政司驛傳雖古今異宜隨時改革要皆一縣不可缺之政今統編爲經政類

一 海康武功志學校入建置蓋學校爲建置中太宏於義亦當通志援以爲例惟學校所以諸才科舉停罷又爲士子出身

之路事甚隆重似宜別立門類石志以學宮并學校今仍其舊惟錄典制典禮建贊榘訓條約祝文及鄉飲酒禮於後此乃率土所同非陸川獨行之典禮至今又不適用概從刪削至學額爲清明二代之制今特詳其顛末

一 考棚書院賓興義學音爲試士育才之地今或改設學校或撥款辦學其修建年月人名與款項從來均與教育有關今皆詳載有田租者并附列於後

一 清末至民國邑中設各級學校前有官立公立私立之分後有縣立區立名目今一一詳錄中校及高小校校長緣有外縣人充當故不列於紳董而附在校後中學以上畢業生一

陸川縣志

卷首

凡例

四

體附志高等小學校畢業生得獎勵者編附未得獎勵者因名數太多難以遍載

一 人傑地靈人物實關一邑之運會通志選舉列表而人物編爲列傳郡邑志多宗之陸川彈丸小邑非有循良文苑儒林隱逸等目之可分以言作傳似爲非宜茲編人物類分目詳記間有經名人作傳者石志載於藝文今仍因之

一 登科有記昉自唐崔氏顯慶之書宋洪氏記制舉詞科稱爲最備各方志多沿其例元以前進士科行之最久明增舉人

一 一科貢則有恩拔副歲清因之而增優貢進士榜下有明通貢有朝考鄉會試均有恩賜科舉停罷又設舉貢會考生員

考職以廣出身我邑舉進士不第可考者元代二人石志列於選舉之首今仍之並將明清二代邑中進士舉貢及考試得官者各按朝代科分年分譜其名次登武科者亦均記名

三學武生雖未登薦舉而名列膠庠附之於後

一通志不另編仕宦祿於選舉名下注明官階但入官有襲廕勞績納粟各途不盡由於選舉均爲國家官力亦屬名位似不宜棄置縣中仕宦石志於元代惟載文職二人餘無考自明訖清乾隆二十一年石志分文武職編列今皆照登錄者補之後則據訪冊增之一以經制爲斷委差概不攔入間有充當要差亦只附其本職之下實官封贈附志於後民國肇

陸川縣志

卷首

凡例

五

造官制浩繁或各省自爲風氣尤爲複雜姑就訪冊所報備記其有文職武職或武職兼文職者各附見本職下不另分列應如何別擇留俟來者

一石志於兵政列國總額數而不具姓名蓋因無例可援也然自清道咸以後土匪充斥端賴團紳集練防勦方保安甯清季至民國縣設辦學機關而自治會教育會商會農會皆爲地方之法團國會議員省議會議員又有參與全國全省立法之權於縣屬治安均有關係今斟酌時宜特爲增記

一名宦鄉賢爲一方俎豆之專稱例當定自朝廷非方志所可私許但服官異地政績昭著而祀該處名宦品學優粹有功

名教而祀本邑鄉賢皆經奏准非同私濫石志編鄉賢於人物綱而附名宦於秩官載祀縣名宦祠者至邑人祀他方名宦不另列目而附見於鄉賢勳德孝行鄉評各目內未免輕重倒置今將名宦鄉賢分目其祀他方名宦而并祀縣鄉賢者於名宦敘其事而鄉賢仍列其名

一爲地方禦匪而殉難捐軀事父母竭力而能人所難例得表揚石志有義勇孝行二目然死事有官紳不祇勇丁孝屬以行未免太泛今改爲忠烈孝子祀本邑忠義祠者照編未入祠而確因殉匪遇害亦爲補記黎龐二孝子奉旨旌表附祀學宮宜爲之冠至未旌表崇祀而經學使賜額褒揚及爲輿論所推許者今均采增

陸川縣志

卷首

凡例

六

一邑有大故能極力斡旋轉危爲安辦地方公益而疏財仗義在鄉里隱處而品端學粹例得徵獎均應登記以資風勵石志以勳德鄉評分目泛曰鄉評義亦太廓勳德則寥寥二三人亦有事屬勳德而列在鄉評者今勳德因石志刪去鄉評增入義行學行將舊載鄉評者按其事實改編於勳德義行學行目內遺漏者采補後來者據訪冊及公論續增

一矢志柏舟誓死不辱巾幗而有鬢眉氣足光彤管亟宜表彰石志節烈首稱某氏次列夫名婦不繫夫名稱未顯通志本漢書列女傳例題曰某人妻某今遵用之先原夫名次稱某

氏父母翁姑特別有名者順爲敘及子孫通顯附見於下已  
旌與建坊入祠者各按先後編列未旌而經學使賜額及守  
節年歲似合旌表者均皆詳載庶免湮沒

一書民爲國家人瑞歷代皆重例得請旌建坊今不論男女凡  
壽臻百歲及八十以上而五代同堂者概爲記載已旌與建  
坊者於條內敘明

一通志編物產於輿地略取物生於地之義石志附物產於風  
俗綱本土俗物產之說然物產爲民生之食貨關一方之財  
賦最爲重要今編爲物產類而以植物動物礦產製造品分  
目

陸川縣志

卷首

凡例

七

一宋施宿會稽志有討賊平亂二篇此地志之兼紀兵事者也  
鬱林州志宗之我邑自隋訖明迭遭兵燹清道咸間萑苻遍  
地經官紳勦歷十餘稔始救平清末及民國匪風益熾旌  
滿旋起幾無甯宇今博采前籍并訪諸遺老詳紀其事以資

考鏡

一奇異不經見之物與神鬼荒唐之說本難憑信然獲麟書於  
春秋神降石言見於左氏歷代史志亦多紀怪異今照訪冊

所列輯爲雜錄

一宋孝王關中風俗具載藝文爲地志著錄之祖范成大吳郡  
志以詩文分注於山水人物各條之下其例最善惟茂邑僻

處一隅非獨無著述大家即題詠亦寥寥無幾欲附綴各條  
恐掛一漏萬有同畫虎石志藝文網載記序傳詩賦各體今  
概不敢棄而擇新采者續之其有關縣之事蹟建設政治風  
化者雖外人所撰亦必登載邑人所撰間有與縣無關者惟  
其文工故不吝登

一石志於每綱之首并以小序茲將分類列目之故詳具於右  
不更爲小序以省冗贅其有當考證者各附本條之下  
一 是書本石志者必於條下注明至徵引羣書及摘取通志參  
錄各郡邑志者均注原書之名以著所自  
一 編輯截至民國十二年底止十二年後事留具有待

陸川縣志

卷首

凡例

八

陸川縣志類目

卷一

圖繪輿地圖  
建置圖

卷二

輿地類一 疆域 沿革 山川上  
輿地類二 氣候 禮祥 山川下

卷三

輿地類三 山川下 水利

卷四

輿地類四 風俗 村莊

卷五

陸川縣志 卷首 類目

建置類一 城池 縣署 塘汛 街市  
建置類二 縣署 增廩 津渡 橋梁

卷六

建置類三 寨堡 坊表  
建置類四 局所 古蹟

卷七

職官表

卷八

經政類 賦役 田租 雜稅 禮典 俸廉  
廉給 田租 雜稅 倉儲 監謀  
兵制 團練

郵政

卷九

學校類一 書院 學旗 考舉  
學校類二 各級學校 國民學校 義學  
校長附 畢業生附

卷十

人物類一 選舉上

卷十一

人物類二 選舉下

卷十二

人物類三 仕宦上

卷十三

人物類四 仕宦下

卷十四

陸川縣志 卷首 類目

人物類五 紳董

卷十五

人物類六 名宦 鄉賢 忠烈 孝子  
名宦 鄉賢 忠烈 孝子

卷十六

人物類七 節烈上

卷十七

人物類八 節烈下

卷十八

人物類九 節烈下

卷十九



人物類九 舊民

卷二十

物產類 植物 動物 礦產 製造品

卷二十一

兵事編

卷二十二

雜錄

卷二十三

藝文類一 記

卷二十四

陸川縣志 卷首

藝文類二 序 歌傳 賦疏 歌話

類目

三



docsriver 文川网  
入驻商家 古籍书城

在文川网搜索古籍书城 获取更多电子书


中華民國二十三年續印

# 輿地圖


邑人羅士璜繪







# 關廂六良二堡圖







# 順安東西二堡圖
























# 建置圖




文廟暨節烈祠圖



新建築圖

賓興館圖



陸川縣志卷之二

輿地類一 氣候 禮祥 山川

疆域

州南七十里東西距九十五里南北距一百五十里

東至榕江堡接北流縣界四十五里西至沙湖堡接博白縣界

五十里南至清湖墟接廣東高州府化州界一百里北至燕表

村接本州界五十里東南至低陽甲接廣東高州府化州界一

百一十里東北至排村接北流縣界五十里西南至烏泥堡接

廣東高州府石城縣界一百一十里西北至蔣村接博白縣界

五十五里編戶十五里 全通志

陸川縣志 卷之二

輿地類一 疆域

東西距九十五里南北距一百七十里正東至榕江堡四寶徑

止接北流縣界四十五里正南至清湖下堡北當鋪止接廣東

石城縣界一百里正西至沙湖堡蔣村止接博白縣界五十里

正北至有龍堡燕表村止接鬱林州界七十里東南至順安堡

低陽甲止接廣東化州界六十里西南至吹塘堡雞籠山止接

博白縣界八十里東北至中塘堡山根田止接北流縣界七十

里西北至有龍堡榕木鋪止接鬱林州界五十里編戶一十五

里 石志

案陸川以關廂堡為縣治居縣之中心點石志與金通志道

里微有差別然石志四至八到皆自縣治計之較金通志更

詳確

沿革

禹貢荊州南徼地

商周時皆為蠻夷國所謂百越地也

案其屬有甌越駱越種類甚繁故曰百越亦謂之南越

秦屬南越象郡

案史記秦本紀始皇帝三十三年發諸道嘗通亡人贅墻賈

人畧取陸梁地

嶺南之人多處山陲其性強梁故曰陸梁為桂林南海象郡

秦末至漢初屬南越

陸川縣志 卷之二

輿地類一 沿革

案史記南越尉佗列傳秦二世時南海尉任囂病且死命龍

川令趙佗行南海尉事囂死佗與兵絕道自守誅秦所置長

吏秦既破滅佗即擊并桂林象郡自立為南越武王漢高帝

十一年詔以南海尉佗長治南方甚有文理使陸賈授璽綬

立佗為南越王高后五年有司請禁南越關市鐵器佗遂稱

帝文帝時賜佗書佗奉詔去帝號復稱王奉貢 時陸川為象郡地屬南越

漢元鼎六年後屬合浦郡

案前漢書武帝元鼎六年越王相呂嘉反殺其王 佗五世孫與大

后及漢使帝遣伏波將軍路博德樓船將軍楊僕戈船將軍

越侯嚴分三道征南越殺呂嘉遂定越地以為南海蒼梧鬱



docsriver 文川网  
入驻商家 古籍书城

在文川网搜索古籍书城 获取更多电子书

重德五年置即今龍南龍化柳沙井吹德...  
武德四年置南州治博白縣...  
三年領縣四天寶元年改爲南昌郡...  
州領縣五博白建寧陶羅龍豪...  
堡地縣治在今南昌羅州...  
石州割六縣屬之...  
年改爲招義郡...  
招義南河...  
案新唐書地理志容州普寧郡...  
治普寧縣...  
案本此...  
年更...  
名

陸川縣志 卷之二  
輿地類 沿革 五

爲舊唐順州順義郡...  
龍化龍水龍豪南河...  
今縣東五十里...  
五代初屬楚後屬南漢

案資治通鑑梁乾化元年以許江行軍司馬姚彥章權知容  
州從楚王馬殷之請也後劉巖遣兵攻容州彥章不能守奔  
長沙巖遂取容管時陸川縣屬馬州龍化溫水龍豪南河各  
縣屬順州均容管所轄地又案謝通志郡縣沿革表南漢馬  
州領縣三峩石陸川扶桑順州領縣四龍化溫水龍豪南河

宋屬容州

案宋史地理志容州都督府普寧郡寧遠軍節度...  
爲容州南...  
流又案中開寶五年廢順州省龍化龍豪溫水南河入陸川  
縣九年移治公平淳化五年又徙治於舊溫水縣...  
元屬容州路

案元史地理志容州路總管府...  
管領縣三普寧北流陸川

明屬梧州府

案明史地理志梧州府...  
縣容縣岑溪懷集鬱林州博白北流陸川興業

陸川縣志 卷之二  
輿地類 沿革 五

清初屬梧州府後屬鬱林直隸州

案順治康熙時陸川縣屬梧州府雍正三年廣西巡撫李紱  
奏升鬱林爲直隸州領縣四博白北流陸川興業

星野

李通志鬱林博白北流陸川興業及梧州府屬之岑溪容縣鬱  
尾次已辰翼軫分野金通志鬱林當軫之十一度...  
十一度

漢書地理志楚地翼軫之分野也今之南郡江夏零陵桂陽武  
陵長沙及漢中汝南郡盡楚分也粵地牽牛婺女之分野也今  
之蒼梧鬱林合浦九真南海日南皆粵分也...  
之蒼梧鬱林合浦九真南海日南皆粵分也

陸川縣志 卷之二  
輿地類 沿革 五

陸川縣志 卷之二  
輿地類 沿革 五

陸川縣志 卷之二  
輿地類 沿革 五



唐書天文志引一行兩戒之說自江源循嶺徼東南及海為蠻越又升陽進踰天關純乾之位故鶉尾直建巳之月內列太微為天庭其分野南河以負海亦純陽地也又斗柄謂之外廷陽稽之所布也斗魁謂之會府陽稽之所復也杓以治外故鶉尾為南方負海之國自房陵白帝西東盡漢之南郡江夏東達虜江南部瀘彭蠡之西得長沙武陵又遠南紀盡鬱林合浦之地自沅湘上流西達黔安之左皆全楚之分自富昭象龔繡容白廉州以西亦鶉尾之墟據此則陸川當

又唐書地理志嶺南道蓋古揚州之南境漢南海鬱林蒼梧珠陸川縣志

卷之二

輿地類一 星野

七

崖僑耳交趾合浦九真日南等郡韶廣康端封梧麻羅雷崖以東為星野分桂柳鬱林富昭象龔繡容白羅而西及安為鶉尾唐時陸川分屬五縣或屬容州或屬白州或屬羅州或屬梧州據此亦當為鶉尾分

宋蔡戡曰遷固蔚宗以斗女為吳越分翼軫為荆楚分考郡國所屬越都會稽後閩王搖趙佗尉一都東甌一都番禺皆北接吳境故以吳越并稱或謂之揚粵亦揚州之分也凡謂斗牛女為吳越分并屬揚州者指粵之東界以累世立國之地言之兩漢地理志以鬱林蒼梧所屬之西界盡為斗女之分則豈矣唐一行禪師用李淳風之說以越之東北接吳者屬星紀實斗牛女之分野越之西北抵楚者實翼軫分野較然其明也

案星野之說言人人殊周禮九州皆有分星指一州之大而言至漣九小邑亦謂當某星某度似僭而妄自地學發明知地球為行星則昔之談星野者皆為無據然稽歷朝史書凡志地理皆兼天文而各省郡邑志亦多列星野於輿地略內以符史例茲未敢示異謹根據通志略引諸說以備參考

氣候

南人有言曰雨下便寒晴便熱不論春夏與秋冬此語盡南方之風氣矣杜子美詩云五嶺皆炎熱宜人獨桂林蓋以桂林氣候與湘湖江浙相近桂林以下地近熱帶陰雨則寒氣漸浙

陸川縣志 卷之二 輿地類一 星野 氣候 八

人晴則勃勃蒸人陰濕晦冥一日數變復頃刻明快又復陰合冬月久晴不雨不離葛衣絨扇夏月苦雨急須蓑被重裘大抵早溫晝熱晚涼夜寒一白而四時之氣備九月梅花盛開臘夜三食青梅初春百卉蔭密櫻桃柳四時常青草木雖大易以憂腐五穀漚而不甘六畜淡而無味水泉腥而黯慘蔬花變而苦硬人主其間率皆半瘴而不耐作苦生齒不蕃土曠人稀皆風氣使然也周去非種 案今之泗城西隆西林東蘭歸順等州縣林尚深密氣候中州尚符此論若潯梧鬱各州土地頗瘠水鹹甘美人煙稠密六畜蕃滋寒暑應候不可一概論矣